


By: Zaynah Yanez
12 January 2023



Jerrino Ridderstap:

'Semper mi lo ta cla pa traha pa trece union'

Jerrino Ridderstap, naci na Aruba dia 24 di december, a lanta den e bario di Tanki Leendert, Tanki Flip y districto di Noord. For di chikito nan a duna Jerrino e nomber di cariño: Baas, di hefe y Bass di e instrument y asina el a yega na su nomber artistico; Jerrino Bass. Jerrino ta un persona humilde y trankilo, cu gusta un fiesta, bon musica y ambiente. Pero rato rato e gusta su trankilidad tambe. Jerrino a menciona, cu pa promove union den e temporada aki di Carnaval, ta facil, e problema ta...pa eherce! Nan kier wak bo bon, pero nunca mihor cu nan. Segun Jerrino, na Aruba, como un isla asina chikito, nos mesun hendenan ta purba kibra otro, cual ta hopi di lamenta. Pero den Jerrino su caso, tur esunnan cu conoc'e sa, cu tur caminda cu e por yuda pa trece union, conta cu ne sin duda! Naturalmente semper cu respet pa tanto grandi y chikito.

Un cambio cu Jerrino kier wak den musica den Carnaval ta, cu si bo kier sali banda di aña di Carnaval, bo mester toca tumba tambe. Paso si esaki no ta e caso, segun Jerrino, anto e ora pakico tin festival di Tumba? Dijs haci 1 solo festival e ora di Soca, paso cada festival tin su gastonan.

Tur Tumba di Jerrino tabata un hit p'e, pero esun cu a hit mas p'e tabata: "habri hala bo flota bay" y Peloton 63 (Soldadnan marcha kibanda). Pa Jerrino ta dicifil p'e scoge entre nan dos.

Dia 1 juni 2023 DLS ta cumpli 12 aña di existencia. Jerrino a forma parti di e banda di Iglesia. Djey el sigui cu e banda musical di su famia, cu tabata yama Los Hermanos. Despues el a forma parti di varios banda musical, manera; Dream Sound & More, Ego, Ryo, Privé, Oreó y pa awe Jerrino tin su mesun banda, cu ta DLS (D-Licious). Tin bo mesun banda definitivamente ta difcil, ya cu e ta kita hopi tempo, dedicacion y ta hopi trabou, ya cu tin hopi cos pa regel, tanto pa banda y e grupo. Danki Dios e tin un team incansabel su tras.

E reto di mas grandi como grupo chikito di Carnaval ainda ta pa; 'make it happen', paso e gastonan ta haltisimo. P'esey e aña aki Jerrino ta gradici inmensamente su sponsernan, cu semper ta cla pa yuda y ta kere den su persona y grupo.

Conseho: "Como mayor, nos nunca lo cansa di papia/ripiti e mesun cosnan. Ami lo bisa; 'have fun', goza di bo bida, paso awe nos t'ey y mañan nos no sa! Pero nada di mas ta bon. Y corda semper, cu tin hende cu ta stima bo y ta warda bo na cas".

